

CONVOCATORIA DOS PREMIOS DE INVESTIGACIÓN EN SAÚDE DE GALICIA PISGA 2025

No DOG de data 20 de novembro de 2025 publicouse o Extracto da Resolución do 12 de novembro de 2025, da Axencia Galega para a Xestión do Coñecemento en Saúde pola que se aproban e publican as bases reguladoras dos Premios de Investigación en Saúde (PISGa) para o ámbito de Galicia no marco do proxecto TRANSFIRESAÚDE do Programa de Cooperación Interreg VI-A España – Portugal (POCTEP) 2021-2027 e procédese á súa convocatoria para o ano 2025, cuxo texto completo pode consultarse na Base de datos Nacional de Subvencións, con identificador. BDNS: 869530

O obxectivo destas axudas é difundir, promover e premiar o coñecemento e a investigación sanitaria traslacional, de carácter preclínico e clínico, desenvolta polos profesionais do sector público da saúde de Galicia. Os premios teñen o dobre obxectivo de, por unha parte, recoñecer e dar apoio a proxectos e liñas de investigación sanitaria en atención primaria dos/as profesionais que desenvolven a súa actividade en centros de saúde de atención primaria no servizo galego de saúde e nas súas entidades públicas de investigación e, por outra, impulsar e recoñecer aquelas traxectorias científicas emerxentes dos investigadores vinculados o sector público sanitario de Galicia, para consolidar un ecosistema de investigación traslacional no ámbito sanitario que propicie a transferencia do coñecemento á práctica asistencial.

Establécense dúas modalidades con dous premios económicos por modalidade:

a) **Modalidade Premio a Proxectos de Investigación Sanitaria en Atención Primaria:** os premios consistirán na adquisición de material e pequeno equipamento non inventariable, subcontratación de servizos de I+D+i ou gastos similares vencellados ás actividades das ideas seleccionadas e/ou na asistencia a cursos de formación, a congresos relacionados coa liña de investigación, a un centro de investigación de ámbito internacional ou nacional ou actividades relacionadas.

b) **Modalidade Premio a Traxectorias Emerxentes de Investigación en Saúde:** os premios consistirán na asistencia a cursos de formación, congresos científicos internacionais ou nacionais, artigos ou publicacións en revistas científicas especializadas ou actividades relacionadas.

O prazo de presentación de solicitudes será de **1 mes e comezará a contar o seu cómputo o día seguinte ao da publicación** destas bases e convocatoria no Diario Oficial de Galicia.

As solicitudes presentaranse obrigatoriamente a través do formulario normalizado (anexo I) dispoñible na sede electrónica da Xunta de Galicia (<https://sede.xunta.gal>).

No lateral dereito dispoñedes a Convocatoria .

Na parte inferior dispoñedes dun pequeno vídeo resumo da convocatoria.

LIGAZÓNS

ASOCIADAS

Resolución dos Premios de Investigación en Saúde de Galicia (PISGa 2025)

Extracto dos Premios de investigación en saúde PISGa2025

Corrección de erros do Extracto da resolución dos Premios de investigación en saúde PISGa 2025

Resolución das candidaturas finalistas dos Premios de Investigación en Saúde de Galicia (PISGa 2025)

Nomeamento do xurado dos Premios de Investigación en Saúde de Galicia (PISGa 2025)

Acta reunión xurado.
Resolución gañadores

